

B O S N A I H E R C E G O V I N A
FEDERACIJA BOSNE I HERCEGOVINE
U N S K O - S A N S K I K A N T O N
GRAD BOSANSKA KRUPA
GRADSKI ORGAN UPRAVE

Broj: 07-11-5-9630/23

Bosanska Krupa, 4.1.2024.godine

Na osnovu člana 2. tačka l) pod 2), člana 68. stav 4. tačka i) Zakona o javnim nabavkama Bosne i Hercegovine i člana 69. stav (2) tačka d) Zakona o javnim nabavkama („Službeni glasnik BiH“, broj: 39/14 i 59/22), u otvorenom postupku nabavke radova s namjerom provođenja e-aukcije – Nabavka i ugradnja sportskog poda-parketa za sportsku dvoranu u Bosanskoj Krupi, na prijedlog Komisije za provođenje postupka javne nabavke, Gradonačelnik Grada Bosanska Krupa, kao rukovodilac ugovornog organa donosi:

ODLUKU

o odbacivanju ponude i poništenju postupka nabavke

- 1. Odbacuje se** ponuda ponuđača **d.o.o. „TRISAR-INN“ Sarajevo** kao neprihvatljiva u postupku nabavke radova- Nabavka i ugradnja sportskog poda-parketa za sportsku dvoranu u Bosanskoj Krupi, jer ponuđač ne ispunjava zahtjeve iz tenderske dokumentacije.
- 2. Poništava se** postupak nabavke radova- Nabavka i ugradnja sportskog poda-parketa za sportsku dvoranu u Bosanskoj Krupi, koji je objavljen dana 7.12.2023. godine na Portalu javnih nabavki - Obavještenje o nabavci broj: 1272-1-3-162-3-154/23 od 7.12.2023. godine, jer jedina zaprimljena ponuda nije prihvatljiva.
- 3. Odluka stupa na snagu danom donošenja.**

O b r a z l o ž e n j e

Postupak javne nabavke pokrenut je odlukom o pokretanju postupka javne nabavke broj: 07-11-5-9630/23 od 7.12.2023. godine. Javna nabavka je provedena putem otvorenog postupka s namjerom provođenja e-aukcije– Nabavka i ugradnja sportskog poda-parketa za sportsku dvoranu u Bosanskoj Krupi. Obavještenje o nabavci broj: 1272-1-3-162-3-154/23 od 7.12.2023. godine - objavljeno na portalu JN (TD preuzelo ukupno 9 ponuđača) i u „Službenom glasniku BiH“, broj: 84/23 od 15.12.2023. godine

Po objavljenom obavještenju rok za prijem ponuda je bio 28.12.2023. godine do 13,00 sati. Do označenog roka za prijem ponuda na protokol Ugovornog organa pristigla je 1 (jedna) ponuda, a što je vidljivo iz tabelarnog pregleda dostavljenog od strane službenice koja radi na protokolu ugovornog organa i to ponuda:

- 1. d.o.o. „TRISAR-INN“ Sarajevo**, broj protokola: 07-11-5-9630-2/22, zaprimljena dana 26.12.2023. godina u 11:24 sati.

Komisija za provođenje postupka javne nabavke je u skladu sa tenderskom dokumentacijom dana 28.12.2023. godine u 13,30 sati izvršila javno otvaranje ponuda i na zapisnik konstatovala:

- 1. Ponuđač d.o.o. „TRISAR-INN“ Sarajevo**, dostavljena ponuda uredno zapakovana (original i kopija) i bez vidnih oštećenja, ponudio je:
cijena ponude: **214.500,00 KM bez PDV**,
iznos PDV: **36.465,00 KM**
ukupna cijena ponude: **250.965,00 KM sa PDV- om**,
Nema ponusta.

Komisija za provođenje postupka javne nabavke je izvršila evaluaciju dostavljene ponude a u skladu da zahtjevima iz tenderske dokumentacije te je konstatovala slijedeće:

Tačkom 13.4.1. tenderske dokumentacije, definisano je: "Što se tiče tehničke i profesionalne sposobnosti, ponuđači trebaju ispuniti slijedeće minimalne uslove a koji se mogu potvrditi sa dokazima iz člana 51. Zakon, a to da je: u posljednje 3 godine (2021, 2022. i 2023.) imao uspješno realizovan najmanje 1 (jedan) ugovor koji je u vezi sa predmetnom nabavkom u vrijednosti od najmanje 250.000,00 KM sa PDV-om, (ili zbirni uslov za više realizovanih ugovora zbirne vrijednosti najmanje 250.000,00 KM sa PDV-om).

13.4.2. Ocjena tehničke i profesionalne sposobnosti ponuđača će se izvršiti na osnovu jednog ili više dokaza:

- a) *Spisak izvršenih ugovora u skladu sa članom 48. Stav (2) ZJN o izvedenim radovima koji su u vezi sa predmetnom nabavkom, u posljednje 3 (tri) godine (2021., 2022. i 2023.) ili od datuma registracije, odnosno početka poslovanja, ako je kandidat/ponuđač registriran, odnosno počeo s radom prije manje od tri godine. Uz spisak izvršenih ugovora ponuđač je dužan dostaviti i potvrde o urednom izvršenju ugovora, a koje obavezno sadrže:*
- naziv i sjedište ugovornih strana ili privrednih subjekata,
 - predmet ugovora uz kratak opis radova,
 - vrijednost ugovora,
 - vrijeme i mjesto izvršenja ugovora i
 - navode o uredno izvršenim ugovorima "

Ponuđač d.o.o. „TRISAR-INN“ Sarajevo je u ponudi dostavio potvrdu o urednom izvršenju ugovora izdatu od strane "ALMY-TRANSPORT" d.o.o. Zenica od 15.12.2023.godine iz koje je vidljivo da je između "ALMY-TRANSPORT" d.o.o. Zenica i izvođača radova „Trisar-inn“ d.o.o. potpisan ugovor o kooperantskim radovima. Komisija je razmatrala dostavljenu potvrdu, te je konstatovala da potvrda iz ponude nije validan dokaz tehničke i profesionalne sposobnosti iz tačke 13.4.2. tenderske dokumentacije, jer je izdana od strane kooperanta, a ne od strane investitora koji se navodi u potvrdi o urednom izvršenju ugovora.

U potvrdi koju je izdao "ALMY-TRANSPORT"d.o.o. Zenica navedeno je:

"Predmet ugovora: Izvođenje radova na izradi sportskog parketa kao CONNOR tip kao NEOSHOK na objektu sportska dvorana u sklopu Poslovno-sportskog centra Trnovo Bjelašnica.

Opis izvedenih radova: Postavljanje sportskog parketa puno drvo prema FIBA I IHF standardima.

Vrijeme i mjesto izvršenja Ugovora: sportska dvorana u sklopu Poslovno-sportskog centar Trnovo Bjelašnica, 13.11.2023.godine."

Iz potvrde je vidljivo da se radi o kooperantskom ugovoru. Kako je tenderskom dokumentacijom jasno definisano da je predmet javne nabavke broj 07-11-5-9630/23: "Nabavka i ugradnja sportskog poda-parketa za sportsku dvoranu u Bosanskoj Krupi", a u predmetnoj potvrdi kao opis izvedenih radova navedeno je: „Postavljanje sportskog parketa puno drvo prema FIBA i IHF standardima“, to se iz potvrde ne može zaključiti da li je ponuđač imao realizovan ugovor koji je u vezi s predmetnom nabavkom.

Dakle, ponuđač d.o.o. „TRISAR-INN“ Sarajevo nije dokazao svoju tehničku i profesionalnu sposobnost prema uslovima propisanim tenderskom dokumentacijom.

S obzirom na gore navedeno Komisija je predložila ugovornom organu da ponudu ponuđača d.o.o. „TRISAR-INN“ Sarajevo odbaci kao neprihvatljivu shodno članu 2. tačka l) pod 2) i članu 68. stav 4. tačka i) Zakona o javnim nabavkama Bosne i Hercegovine („Službeni glasnik Bosne i Hercegovine“, broj: 39/2014 i 59/2022, jer ponuda ne ispunjava zahtjeve iz tenderske dokumentacije.

Komisija je konstatovala da u ovom postupku zaprimljena jedna ponuda koja nije prihvatljiva, predložila je Ugovornom organu da poništi postupak javne nabavke u skladu sa članom 69. stav (2) tačka d) Zakona o javnim nabavkama („Službeni glasnik BiH“, broj: 39/2014 i 59/2022).

S obzirom na sve gore navedeno Ugovorni organ je prihvatio prijedlog Komisije i odlučio kao u dispozitivu Odluke, shodno članu 68. stav (4) tačka i) i 69. stav (2) tačka d) Zakona o javnim nabavkama („Službeni glasnik BiH“, broj: 39/14 i 59/22).

Pouka o pravnom lijeku

Protiv ove odluke može se izjaviti žalba najkasnije u roku od 10 (deset) dana od dana prijema ove odluke. Žalba se izjavljuje URŽ-u putem ugovornog organa u pisanoj formi direktno, elektronskim putem, ako je elektronsko sredstvo definirano kao način komunikacije u tenderskoj dokumentaciji, ili preporučenom poštanskom pošiljkom u dovoljnom broju primjeraka, a koji ne može biti manje od tri.

Obrađivač:

Selma Bužimkić, dipl. pravnik

Dostavljeno:

GRADONAČELNIK
Armin Halitović

1. d.o.o. „TRISAR-INN“ Sarajevo , putem e-maila
2. U spis
3. Web stranica
4. a/a